



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2025. godini broj: 02-04-8728-2.1/25 od 14.03.2025. godine, utvrđen Zaključkom Vlade Kantona Sarajevo broj: 02-04-8728-2/25 od 14.03.2025. godine, o b j a v l j u j e;

**JAVNI POZIV NEZAPOSLENIM OSOBAMA I POSLODAVCIMA SA PODRUČJA
KANTONA SARAJEVO DA SE PRIJAVE ZA UČEŠĆE U PROGRAMU
SUFINANSIRANJA ZAPOŠLJAVANJA „ŠEHIDSKIH PORODICA I PORODICA
POGINULIH BORACA – BRANITELJA, MALOLJETNIH DEMOBILISANIH
BORACA, RATNIH VOJNIH INVALIDA I ČLANOVA NJIHOVIH PORODICA“**

I

Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica (u daljem tekstu: Program) realizuje se zapošljavanjem nezaposlenih osoba iz navedenih kategorija kod poslodavaca sa područja Kantona Sarajevo.

Cilj Programa je kraće trajanje nezaposlenosti osoba sa statusom šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica i stvaranje pretpostavki za njihovo dugoročno zaposlenje.

II

U Programu pravo učešća imaju nezaposlene osobe sa statusom šehidskih porodica i porodica poginulih boraca – branitelja (roditelji, bračni partner i djeca), nezaposlene osobe koje su maloljetne stupile u Armiju Bosne i Hercegovine, Hrvatsko vijeće obrane i policiju nadležnog organa unutrašnjih poslova i koje su učestvovala u pripremama za odbranu i odbrani Bosne i Hercegovine u periodu od 18.09.1991. do 22.04.1996.godine, minimalno godinu dana, pod uslovom da ne postoje okolnosti iz člana 36. Zakona o pravima boraca i članova njihovih porodica („Službene novine Federacije BiH“, broj: 33/04, 56/05, 70/07, 9/10 i 90/17), nezaposlene osobe sa statusom ratnog vojnog invalida od najmanje 20% invaliditeta kao i članovi porodice (djeca i supružnik) ratnog vojnog invalida od najmanje 20% invaliditeta, prijavljene na evidenciju nezaposlenih u Kantonu Sarajevo prije aplikacije poslodavca na javni poziv, te poslodavci registrovani u Kantonu Sarajevo.

III

Služba će poslodavcima koji budu obuhvaćeni ovim Programom, refundirati sredstva u iznosu od 1.000,00 KM mjesečno u trajanju od 24 mjeseca po novouposlenoj osobi ciljne kategorije za isplatu plaća i pripadajućih poreza i doprinosa u skladu sa propisima koji uređuju ove obaveze. Svi drugi troškovi padaju na teret poslodavca.

IV

Poslodavci korisnici ovog Programa dužni su zaključiti ugovore o radu sa osobama iz ciljne kategorije na period od najmanje 36 mjeseci uz mogućnost probnog rada u trajanju do 3 mjeseca, te prilikom potpisivanja ugovora o sufinansiranju dužni su dostaviti instrumente za obezbjeđenje sredstava (bjanko mjenica ili garancija banke). Odredbe ovog stava ne odnose se na poslodavce iz javnog sektora.

V

Nezaposlene osobe koje ispunjavaju uslove Programa, dužne su u Službi ili putem web stranice Službe, preuzeti vaučer za posao, pronaći poslodavca koji također ispunjava uslove Programa te predati vaučer poslodavcu na dalje postupanje.

VI

Poslodavci koji žele učestvovati u Programu dužni su uz elektronsku prijavu prilikom apliciranja putem zvanične web stranice Službe (www.szks.ba) dostaviti skeniranu dokumentaciju u originalu ili ovjerenj kopiji u roku predviđenom u javnom pozivu u nastavku kako slijedi:

- a) rješenje o registraciji u Kantonu Sarajevo a za pravna lica koja su u skladu sa Zakonom obavezna izvršiti upis u sudski registar, dostaviti aktuelni izvod iz sudskog registra u Kantonu Sarajevo koji ne smije biti stariji od 60 dana od dana podnošenja aplikacije na javni poziv,
- b) uvjerenje o izmirenim obavezama po osnovu poreza i doprinosa ne starije od 60 dana od dana podnošenja aplikacije na javni poziv (izdat od strane Porezne uprave Federacije Bosne i Hercegovine),
- c) listing o broju uposlenih koji ne smije biti stariji od 60 dana od dana podnošenja aplikacije na javni poziv (izdat od strane Porezne uprave Federacije Bosne i Hercegovine)
- d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) koje ne smije biti starije od 60 dana od dana podnošenja aplikacije na javni poziv,
- e) vaučer/e za posao skeniran/e popunjen/e i ovjeren/e od strane nezaposlene/ih osobe/a i poslodavca.
- f) dokaz da osoba/e ima/ju status nezaposlene osobe čije se zapošljavanje sufinansira.

VII

Poslodavci koji redovno ne izmiruju obaveze uplata javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje BiH ukoliko je poslodavac PDV obveznik o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje BiH ili uvjerenje da poslodavac vrši uplate po potpisanom ugovoru, poslodavci koji nemaju nijednog radnika ili osobu prijavljenu u radni odnos, udruženja, zadruge i fondacije koje nemaju prijavljenu nijednu osobu u radni odnos.

VIII

Javni poziv za Program ostaje otvoren do utroška predviđenih sredstava, a najduže 6 mjeseci od dana objave uz mogućnost prekida i prije 6 mjeseci, a odobravanje aplikacija po Programu vršit će se prema vremenu i redoslijedu zaprimanja propisanim elektronskim putem.

IX

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja aplikacije na javni poziv, uvećan za broj sufinansiranih osoba, osim u slučajevima odlazaka u penziju postojećih radnika, raskida ugovora o radu na zahtjev radnika ili isteka ugovora o radu na period na koji je sklopljen a do okončanja ugovora o sufinansiranju. Odredbe ovog stava se ne odnose na poslodavce iz javnog sektora.

X

Odobrovanje aplikacija koje ispunjavaju uslove iz Programa, vrši se po vremenu i redosljedju zaprimanja propisanim elektronskim putem te na osnovu toga utvrđuje se prijedlog liste poslodavaca sa nezaposlenim osobama za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anekse ugovora.

XI

Ugovorom između Službe i poslodavca, a nakon usvajanja liste uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 36 mjeseci, obavezu isplate plaća i pripadajućih poreza i doprinosa u skladu sa propisima koji uređuju ove obaveze, zadržavanje u radnom odnosu istog broja radnika koji je zatečen u periodu od podnošenja aplikacije na javni poziv do isteka sufinansiranja uz navedene izuzetke i ostala prava i obaveze između poslodavca i Službe.

XII

Rok za realizaciju Programa je 40 mjeseci od dana potpisivanja pojedinačnih ugovora, a nakon usvajanja liste uključujući i eventualne anekse ugovora. Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodijskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a o čemu će poslodavac blagovremeno obavijestiti Službu te dostaviti relevantne dokaze o prethodno navedenom.

XIII

Poslodavci mogu odmah nakon podnošenja aplikacije na javni poziv zaposliti osobu na vlastitu odgovornost i teret, a refundacija sredstava po Programu teče od dana usvajanja listi, te poslodavcima korisnicima programa može se omogućiti zapošljavanje zamjenskih osoba ukoliko su prethodno zaposlene osobe samoinicijativno raskinule ugovor ili odustale od učešća u Programu prije stupanja u radni odnos a za šta će iste dati potpisanu i propisno ovjerenu izjavu kao dokaz o odustajanju. Vaučeri zamjenskih osoba po Programu moraju imati istu kategoriju kao prethodno zaposlene osobe. Izuzetno, u svrhu zapošljavanja zamjenskih osoba, poslodavac može dostaviti odluku o otkazu ugovora o radu u slučaju teže povrede radne obaveze i ostalih zakonom predviđenih situacija za otkazivanje ugovora o radu od strane poslodavca.

XIV

Rezultati ovog javnog poziva biće objavljeni na web stranici Službe.

XV

Aplikacije sa potrebnom dokumentacijom, podnose se isključivo Javnoj ustanovi „Služba za zapošljavanje Kantona Sarajevo“ Sarajevo, putem elektronske forme na web stranici www.szks.ba (jedini način podnošenja prijava na Javni poziv).

Detaljne informacije o načinu registracije korisnika na aplikaciju za elektronsku prijavu na Javni poziv nalaze se na web stranici www.szks.ba u formi objavljenog video uputstva i objavljenog dokumenta „Uputstvo o načinu i postupku registracije i elektronskih podnošenja aplikacija/prijava u svrhu prijavljivanja na javne pozive po Programima za podsticaj

zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u Javnoj ustanovi „Služba za zapošljavanje Kantona Sarajevo“ Sarajevo.
Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-132.

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel/;++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

